




T 3205/1129.83

8











UNIVERSITY OF TORONTO LIBRARY  
130 St. George Street  
Toronto, Ontario  
M5S 1A5  
APR 12 1962

元和縣志卷之十七

第宅

詩有云高山仰止景行行止蓋古先諸人難往  
而溯其里居訪其遺址猶敬以千者式其廟則  
高陽者表其里所謂地以人傳也若夫坊以表  
德成周庫淑之旨萬葉之序之不獨信也  
賢流徽未泯而縣紳叔而樹風聲後有作  
亦知所興起也夫志第宅



元和縣志卷之十七

第宅 坊表附

詩有云高山仰止景行行止蓋古先喆人雖往而溯其里居訪其遺址猶敬段干者式其廬過高陽者表其里所謂地以人傳也若夫坊以表德成周旌淑之肯寓焉彙而存之不獨舊德名賢流徽未泯而瞻綽楔而樹風聲後有作者其亦知所興起也夫志第宅

哈佛大學漢和  
圖書館珍藏印



澹臺滅明宅在寶帶橋之西史記滅明南游至江索  
隱註謂吳國東南有澹臺湖卽其遺跡吳地記以  
爲滅明宅所陷云

漢

越王搖宅在搖城

俗謠呼姚盛

高帝時王佐諸侯平秦卹

吳王子所居封之以奉越後

顧訓宅在百口橋訓東漢人五世同居聚族百口因  
以名橋吳郡志訓歲朝會集子孫依次行酒雖三  
歲以下並自知位次

鬱林太守陸績宅在臨頓里後捨爲寶光寺門有巨  
石卽鬱林石也明初遷寺石沒民家宏治間易名  
廉石移北察院左

吳寬記

今置郡學况公祠前

吳

陳丞相宅今東禪教寺赤烏間其宅生瑞蓮遂捨爲  
寺

晉

高士戴顓宅今北禪寺唐司勳郎中陸滂嘗居之有  
花橋水閣以追其事

見白居易詩



齊

高士何求宅在武邱山弟黠允亦隱此

唐

處士陸龜蒙宅在臨頓橋皮日休云郭郭曠若郊墅

龜蒙幽居賦序云陸子居全吳東距長洲故苑一

里又云泰伯勾吳通侯舊里地接虎邱門臨鶴市

光祿大夫許台宅在臨頓路東景福五年捨為天宮

寺

宋

魏公元絳宅在帶城橋西北絳嘗叅豫大政引年歸

老知州章岵為建袞繡坊

長史蘇舜欽宅在南園今名蘇家巷

右史上官渙西宅在仁美坊中有採菊堂仁美坊今名南顯子

巷

方惟深宅在城東惟深本莆田人父龜年為屯田郎

卒葬長洲因家焉以過黯澹灘詩王荆公器之遂

游其門授興化軍助教歸隱故廬部使守帥下車

恒即廬訪之



鄱陽守鄭希尹宅在帶城橋

進士周沔宅在縣治東北與方子通爲隣有蓬齋

著作郎張幾道宅在萬壽寺橋王荆公脩三經義幾道與焉

袁襄簡公珣宅在東吳鄉蛟龍浦之赭墩珣官京西提刑觀察使從高宗南渡保障東吳因家焉

五柳堂山陰簿胡稷言所居在臨頓里陸龜蒙故址也稷言棄官歸鑿圃疏池終隱於此子嶧文行繼其父又取老杜宅舍如荒村句名曰如村孫進士

百能知江山縣請老復築堂曰宜休云

都丞徐本中宅在帶城橋東淳熙初爲浙西提刑偶得元少保故宅葺治之寧宗御題其扁曰歲寒堂後以江東運副奉祠而歸

萬卷堂侍郎史正志所居在帶城橋南舊有石記爲僧磨毀

成齋在醋庫巷黃雲爲鄉先生授弟子經時所名也寧宗在嘉邸大書以賜之雲字景祥時爲淮西酒官子由淳熙八年狀元及第郡守韓彥質爲建狀



元坊

萬華堂在資壽寺後今濂溪坊北提刑藍師稷所居師稷

字叔誠開封府人植牡丹至三千株多於洛中名

品後惟勝雲紅存焉

方便君萬里宅在帶城橋

壽樂堂呂浩叟宅也在虎邱浩叟嘗使元軍抗詞不

屈宋亡授淮東宣慰使不就隱此

元

高士袁易宅在蛟龍浦之赭墩所居有靜春堂學者

稱為靜春先生子平江教授泰重建福源山房王

記

南軒山人虞堪所居在甫里

宋克宅在南宮里自號南宮生後居婁門

萬戶侯宋通宅在閶門外急水橋東雙闌干橋西今有

木梁名  
宋家橋

隱君周仲達宅在青邱子思敬有野人居俱見高啓詩

明

尸部侍郎高啓宅在吳城東北張士誠據吳啓避於



青邱洪武初被召官京師尋致政歸郡守魏觀嘗  
同史館欲朝夕親與因徙之居夏侯里  
徵士謝徽宅在甫里

眉壽堂怡雲軒徵士周興養親築也在甫里

錢惟善記

鄱陽知縣趙文宅在甫里三元祠衍弟兵部郎中宗  
禮亦居此

福建僉事陳祚宅在葑門外名陳僉事巷

大理丞仰瞻宅在葑門外名仰家庄

監察御史練綱宅在尹山

都御史韓襄毅雍宅在葑門內

本姜家街今名天賜莊

溪流環

帶竹木交蔭中有堂曰葑谿草堂

邱濬記

有進士都

憲兩坊

祭酒陳鑑宅在烏鵲橋東北有手書二大坊一石井

坊曰詞林及第井銘曰資爾山骨衛茲靈泉於千

萬年慶流涓涓後火燬宅廢五嶽山人黃省曾卽

其地結廬棲隱有曲林草堂自得齋

王守仁題

工部侍郎孔鏞宅在清道橋南後圃有泉曰墨池今

稱孔夫子巷



累大樓工部主政沈鎧建在甫里鎧未第時日與兄  
鍾誦讀其上卒以成名有雙進士坊在衆安橋西  
三辰堂工部主事顧餘慶築也在葑門太保岳正書  
額宗伯吳寬

記

左都御史陳瑄宅在大姚孫白陽山人淳亦居此

處士邢量宅在葑門外

今名邢家街

從孫參亦居此後棄

去誅茆於埜云

處士朱存理宅在葑門外朱凱亦同里

樂亭知縣蔣廷貴宅在甫里鄧巷

今名蔣家圩

從姪參政

夢龍亦同里

山東巡撫沈林宅在官浦

少保陸完宅在甫里

順慶知府皇甫錄宅在孔夫子巷少司空孔鏞故宅

也子冲濬沔濂亦居此

樂安知縣顧蘭宅在臨頓里

刑部尚書錢邦彥宅在望信橋西七塔寺前巷

今名錢街

前嘉靖戊戌巡撫張鳳爲建尚書坊順治間重修

改題仰止三達



少保嚴文靖訥宅在南倉橋西積慶寺前巷今名嚴衙前

文靖祖籍吳中入相後築室於茲命長子中翰治

居之治子貢士桓構困學齋讀書其中有困學齋

記文震孟書額

叅政金應徵宅在甫里衆安橋南子太僕士衡移居

平江路胡廂使橋北

給事陸粲宅在陳湖東

仁孝先生王敬臣宅在兵馬司橋東今稱大儒巷萬歷乙

酉建坊額其里曰仁孝里

大司馬顧其志宅在苑橋巷

高士居節宅在虎邱山塘

刑科給事吳之佳宅在善教橋東北有歸來草堂今名

吳衙場孫兵科給事适移居望門橋北有不動軒

侍御顧宗孟宅在天賜莊

司李王騰程宅在大儒巷子遵義知縣忠烈公佐聖

亦居此

陳文莊公仁錫宅在葑門內下塘有白松堂白松河

南軒轅臺故物也公奉使冊封周藩王以白松製



帶贈之取爲堂額

貞孝先生朱祖文宅在衮繡坊

卹贈助教龔元祥宅在中營基巷

山東巡按宋學朱宅在葑門內下塘新造橋東

蘭谿知縣盛王贊宅在陽城湖濱

國朝

編脩汪琬宅在閭門外下塘有茗華書屋琬給假歸

閉戶著述於此康熙甲子

聖駕南巡特賜御書一軸以懸於堂

進士蔣德峻宅在婁門又居甫里太平橋西

侍講尤侗宅在葑門新造橋東有七業堂玉青堂康

熙己卯

翠華巡幸特恩召對

御題鶴栖堂額以賜之

禹城知縣許定升宅在甫里東美橋之西弟永州知

府虬亦同里

宗伯韓菼宅在婁門明萬歷間菼祖丙午孝廉黃巖

縣令治始居此宅有開雲堂

文震孟書

寒碧齋紺雪齋



皆董其昌書明末兵燹半為荒土焚重加脩築更葺劔

軒歸愚咫閒斗室臨流構敞宇遙望西山作廬墓

圖懸於壁誌白雲思親意

御題有懷堂額以賜焉

侍講彭定求宅在葑門蘇家巷西有衣言堂定求父

進士瓏重葺并構讀書處曰志矩齋戴易書定求復

於宅後作堂顏曰南昀草堂宋曹書

侍郎彭啓豐宅在南昀草堂東啓豐闢以奉母者乾

隆十六年

御賜慈竹春暉匾額因度隙地規為小園中有蘭陔

堂環蔭室含清閣幔仙閣延綠軒可眺矚南園勝

景

尚書沈德潛宅在潤街頭巷有

御賜教忠堂額裘侍郎曰修書內懸

御賜詞宗耆碩道存風雅鶴性松身

玉音學有本源蓬瀛人瑞諸匾額

九賚閣在竹墩尚書沈德潛藏

賜序



賜詩所

賜佛龕在竹墩尚書沈德潛供

御賜金佛處

清曠樓尚書沈德潛舊宅

惠侍講士奇宅在學宮南清溪中有研溪書屋庭植紅豆樹樹分自東禪寺六十年一花東禪旣遭斬伐惟研溪書屋獨存乾隆壬戌盛開

右第宅

更

世美坊在婁門內迎春坊西景泰四年爲祭百壽人尤淳立

進士坊二在葑門外衛浜爲天順丁丑張翥宏治庚

戌張約立

世掌臺綱坊在闔門外下塘下津橋東成化丁未爲

御史毛瑄立

宮詹坊在葑門外靈官廟南爲少詹周詔立

旌義坊在葑門外普福橋西宏治五年爲邑人盧珪

賑饑立



大學士坊在閭門外山塘橋西爲吳寬立

殿中執法坊在閭門外下津橋東爲御史徐申立

經元肅憲坊在甫里廣濟橋東嘉靖元年爲都察院

司務陸山立

人瑞坊在葑門外嘉靖時爲張灝妻薛氏年百歲立

進士坊在婁門內爲隆慶戊辰進士韓世能立

清朝法從坊在甫橋西萬歷時爲山西監察御史丁

元復父丁世熙立

藩屏碩望坊在甫橋西爲浙江布政使司丁元復立

大學士坊在婁門外接官亭萬歷時爲少師申時行  
立

貞義坊在甫里萬歷十八年爲貞女何氏立

三節坊在葑門外天啓初爲周稱側室董氏吳會妻

姜氏周倫妻蔡氏立

坤儀毓德坊在葑門程橋東崇禎九年爲嘉定伯周

奎立

澤被東南坊在虎邱山塘崇禎十六年爲應天巡撫

張國維立



旌烈坊在乘鯉橋東葛百戶巷崇禎末勅建為陣亡  
千總周嘉殉節王氏立

旌節坊一在葑門內折桂橋東為生員顧兩疏妻莊  
氏一在山塘為贈行人司汪大訓妻程氏一在葵

亭為生員龔汝騏妻姜氏一在甫里為許自學妻  
褚氏立

國朝

德崇宇宙坊在虎邱山塘順治初為平治江南刑部  
左侍郎李延齡立

恪勤斯稱坊在虎邱為宗人府顧沂立

樂善好施坊在寒山寺浜為贈通議大夫戈元鑰立  
至行堪嘉坊在長元學宮東地三畝為 旌表孝子

朱之勤立

文孝子坊在蕭家巷為 旌表孝子文齡立

唐孝子坊在虎邱山塘為 旌表孝子唐肇虞立

雙節坊在地二畝南園木杏橋南為張學堪妻何氏

張學洙妻邢氏立

節孝坊在虎邱山塘為貝啓祚妻 旌表節婦程氏



立

旌節坊一在婁門外滕王洪爲郁十賢妻聞氏一在  
山塘秦定橋爲程應斗妻姚氏一在曹胡徐巷爲  
盛應蛟妻張氏一在同芳巷爲沈永貞妻范氏一  
在婁門外爲羅載元妾朱氏一在郭巷爲施爾宏  
妻李氏一在胡廂使橋巷爲陶士龍妻高氏一在  
中營基巷爲邱文濂妻沈氏立一兩世三節坊在  
葑門內天賜莊折桂橋東爲生員顧宗周妻唐氏  
生員顧宗齡妻趙氏顧濂側室沈氏立一坊在葑

門外尹山鎮爲太學生許其成妻陸氏立雍正八  
九年後窮簷苦節俱得上陳表揚母節者隨在建  
坊矣故不及備書



元和縣志卷之十八

園亭

園林之葺所以適游觀也水則渟泓明瑟石則刻削崢嶸卽一壑一邱輒令人作濠濮間想然而玉樓金谷不逾時而蕩爲墟莽榛蕪矣陸天隨過辟疆園詩云草色與行人誰能問遺跡撫今弔古懷愴獨深舉其知名者著之於篇池平臺圯之餘猶髣髴當時之勝槩焉志園亭

周



梧桐園在吳宮吳王夫差園也樂府云梧宮秋吳王  
愁郡志載吳宮在長洲茂苑東南五十里今名吳宮鄉  
園無考或云在甫里塘其地名楓庄者是

晉

王珣與弟珉別墅在虎邱山咸和二年捨二墅爲東  
西寺

唐

韋應物山莊在吳淞江南常放舟吟詩於此故名吟  
浦

陸龜蒙別業在甫里吳宮鄉龜蒙躬耕於此地數畝  
屋三十楹田計十萬步中有八景曰清風亭光明  
閣杞菊畦雙竹堤桂子軒鬪鴨池垂虹橋鬪鴨闌  
後白蓮寺建祠塑像宋咸淳中有無賴子醉仆  
其像於水腹中所藏皆平生詩文彙云

羅隱菴在甫里北隅隱嘗慕龜蒙願與之遊因結菴  
於里時相酬唱焉

陸山人樓亭廣異記云蘇州山人陸去奢亭子卽戴

顥宅也

見儲光羲詩



褚家林亭松陵唱和集云在震澤之西范志云當在  
淞江之旁

東墅與南園皆廣陵王元璩帥吳時其子文奉爲衙  
內指揮使所創經營三十年極園池之勝奇卉異  
木皆成合抱又累土爲山亦成巖谷晚年經度不  
已每燕集其閒任客所適文奉跨白驪披鶴氅緩  
步花徑或泛舟池中客與往來聞客笑語就之而  
飲

宋

李無晦醉眠亭在淞江之旁無晦名行中隱居不仕  
東坡穎濱嘗過訪留題

何仔園在尹山種植甚繁牡丹尤多周益公嘗遊見  
南歸錄

醒心亭熙寧間曹僚履中所葺在葑門內有土阜對  
峙水中雖巨浸弗沒號曰浮墩相傳有雙松参天  
建炎之難潰兵欲伐之隕石如雨乃止今放生池  
卽其地

魏文靖了翁別業在甫里卽羅隱菴址也有莊田數



頃名魏家庫

元

徐處士清寧菴在張林西山大德甲辰葺鑿池屈曲  
引流種樹前列二亭左曰怡閒右曰蒙泉

笠澤漁隱陸德原築也在吳淞江上德原龜蒙九世  
孫有續杞菊賦築室其間思復江湖散人故事焉

明

東莊吳文定公寬之父孟融所治也在葑門內中有  
稻畦桑園果園振衣臺折桂橋麥邱竹田續古堂

拙脩菴耕息軒知樂亭諸勝孫奕又增建看雲臨

渚二亭

南園在陽城東湖鄭景行所築前臨巨浸後據畝邱  
中多聚奇石爲山環以脩竹名花有擷芳徑觀魚

檻聽鶴亭

東園在甫里眠牛涇北馬文遠勗所築爲周興趙文  
章詩文酬唱之所中有佳石曰翠雲朶

都御史徐源別業在瓜涇中有池館林泉之勝與夾  
浦橋相望名曰夾浦書莊



五湖田舍白陽山人陳淳所居在大姚村堂曰閱帆  
軒曰碧雲

晨熹樓爲司直皇甫洵讀書處旁有亭曰梧亭在孔  
夫子巷宅

紫芝園在閶門外上津橋徐太學墨川園也文待詔  
仇十洲爲之布畫入門百步長廊以達於園壘假  
二山號假山徐云

徐叅議廷裸園在葑門內天賜莊東公安袁宏道稱  
其畫壁攢青飛流界練水行石中人穿洞底巧踰  
生成幻若鬼工千蹊萬壑遊者幾迷出入

徐罔卿泰時有東園西園在閶門外下塘石屏高三  
丈濶可二十丈玲瓏峭削如一幅橫披山水了無  
斷續痕周生時臣所壘也堂側有土壠甚高多古  
木壠上太湖石一座名瑞雲峯高三丈餘相傳宣  
和間朱勔所鑿纜至舟中石盤忽沉湖底覓之不  
得遂未果行後烏程董氏購去載至中流船亦覆  
董氏募善沒者取之後爲徐氏移置園中舊聞此  
石每夜有光燭空故名瑞雲今淹沒民家久矣



南星別業黃姬水讀書處在省會舊廬南偏

着勝亭司李王騰程卽宅中隙地綴以奇花怪石作

亭於其間囑叅議范允臨顏之

叅政丁元復別業在十郎巷疊石爲山疏渠爲沼碧

柳高梧映帶左右宋時爲楊和王別墅故地多閒

曠絕類山居今改爲元和治署

梅花墅在甫里姚家街西秘書許自昌選地百畝瀦

水蓄魚梅柳縱橫竹箭秀擢輦石爲島峰巒攢立

中亭館臺榭俱備時與四方名流賦詩讌飲其間

松石園在甫里通明道院之南與府良醫馬用所構

松石其別號云

歸氏園在苑橋巷創自歸太學湛初洞石玲瓏有堂

顏曰米文後歸水部胡汝淳易顏曰洽隱山房

高酣亭侍御顧宗孟建文震孟題在天賜莊宅旁疊石環

花爲讀書宴息之所後考功施何牧僑寓於此

埭影園在虎邱便山橋南數武文肇祉所築後處士

顧苓居之更其名曰雲陽草堂中有室曰松風寢

御史李模別業在龍墩墓旁有春水船紫函閣頤厂



唯龕靜寄晶廬諸室子文學炳絕跡城府時加葺  
治終身棲隱焉

芳草園在定跨橋北青霞居士顧凝遠築水石清幽  
花竹秀野別館閒亭頗極佳勝後屢易主僅傳其  
名曰花谿云

國朝

亦園在葑門內贈檢討尤淪築中有揖青亭水哉軒  
諸勝子侗築看雲草堂益加脩葺孫珍又增建

御書亭

邱南小隱編修汪琬葺也在虎邱編修讀書於此  
經問業者常履滿戶外歿後改祠祀編修於其中

薛家園在婁門外下塘薛宗濂築月波樓錦香亭為

園中最勝處

宗濂女孫瓊有過舊居廢園定風波  
詞云曲徑蒙茸草沒鞦韆鞦韆倒影卧

蒼苔賤殺韶光輕斷送珍重榆錢增價買愁來昔  
日繁華何處去無據年年啼鳥怨花開深鎖朱扉  
人不到誰教東  
風吹遍好樓臺

葑水園翰林檢討馮勗所築在葑門外堂曰含青亭

曰紅香晚歲建碑亭勒

御製咏鶴詩於石



留卧園在婁門內翰林汪份讀書處有過喜齋硯材  
書屋秋香徑知樂草堂

匠門書屋在城東檢討張大受所居前隣古寺傍枕  
河濱有孝廉船讀書亭侶蛩齋潮生閣活碧軒園  
多古木老幹橫空綠陰晝寂極爲幽勝

洽隱園在小顯子巷少微真人韓馨隱居於此康熙  
間燬園中諸勝惟小林屋存焉

網師小築宋副使宗元構以養母者內有北山草堂  
無喧廬小山叢桂軒濯纓水閣梅花鍊石山房蹈

和室溪西小隱度香艇花影亭半巢居斗屠廡麗

矚樓十二景

萱圃在下津橋東周廣文謹宅子孫世居之堂曰敬  
紹仲子秉義於宅後構小園名萱圃中有荆樂書  
堂雲竦閣曉白亭煮石窩竹坡淡香居

涉園在寶成倉對河中有數帆閣濯纓池借笠亭晴  
雪軒覓句廊吟窩陸宣公墓柏重青碑在吟窩中  
貢士王廷魁畫南北名人題咏裔孫保寧太守陸  
錦勒石



其他如管家園迳家園金家園穆家園遺跡久湮  
漫無可考仍闕焉

元和縣志卷之十八

元和縣志卷之十九

塚墓

昔趙文子觀乎九京輒發吾誰與歸之歎則夫  
撫跡懷人聞風興起昔賢歸藏之所固甚重乎  
其詳之也夫君公之尊或錮南山而不足而柳  
下季穉五十步有樵采之刑誰謂蒿里無賢愚  
耶然而滄桑遞易封翳弗翦恐有居三不朽之  
一而後人莫識其松楸者矣是以追攷墟墓謹  
而錄之俾後之過九京者不啻其人可作斯亦



所爲樹之風聲者也志冢墓

周

吳王闔廬墓在虎邱劔池越絕書及吳越春秋云闔廬之塋穿土爲川積壤爲邱發吳都之士十萬人共治運土鑿池周廣六十步水深一丈五尺銅棺三重瀕池六尺黃金珠玉爲鳧雁扁諸盤郢魚腸之劍在焉葬三日金精上騰爲白虎蹲踞于上因名虎邱或云墓卽今虎邱寺法堂基也

吳王墓有三一在蛇門外大邱去縣十五里一在匠

門外欏溪瀆中去縣二十里一曰胥女大冢去縣

四十五里

皆見越絕書

越王史墓越絕書云巫門外窳山大塚故越王史塚也去縣二十里又云燕山南夏駕大塚者越王不審名塚去縣二十五里

申公巫臣墓郡國志在匠門西南祥符圖經云在將門外吳地記云在巫門外

孫武墓越絕書云在巫門外大塚去縣十里東溪書引皇覽云在吳縣東門外吳地記云在平門西北



二里地名永昌

干將墓在匠門外吳地記云匠門本名干將門門外有干將墓後譌為匠

麋王墓在平門外武里

吳神巫葬地越絕書云匠門外欖溪瀆中連鄉大邱者吳故神巫所葬也

瓊姬墓在金鏡湖濱

互見山阜

澹臺滅明墓在澹臺湖傍

莫格墓越絕書云去縣二十里虎邱之北莫格古賢

### 避世者

赤蘭將軍墳吳地記云在匠門南

漢

三老顧綜墓在婁門外塘北與朱梁墳相直吳地記

云在醬醋城東北三里

顧况撰廟碑有云刊石婁門德輝不滅碑今亡

朱梁墓在婁門外東南二里

梁本名肇避和帝諱改郡中朱氏多其後

穎川太守陸宏墓在平門外西北三里或云在華亭

縣西北四十里

按陸績長子官會稽南郡都尉其為穎川太守者曰閔乃宏八世祖

也



吳

吳王權妃墓在甫里孫妃村

今名孫墓

晉

淮南內史朱誕墓在婁門外一里

驃騎將軍顧榮墓寰宇記云在赤門外九里陸廣微

記在吳縣東南二十里側有左威將軍張敏墳今

實在葑門東六里黃天蕩南俗稱顧邑墓西有祠

題曰顧將軍廟榮從子和亦葬此

吏部侍郎馮公墓在張林西山

墓存無攷因土人鋤地得唐大歷七年張

游信志石有葬於晉吏部侍郎馮公墳側之句按晉史侍中馮統兄恢有傳而逸此豈卽恢耶

稚兒塢在綵雲里壽聖教寺內晉道生誦法華經童

子死葬此義熙十一年商人謝本夜聞誦經聲朝

起見塚上生青蓮花人傳為誦經之應云

唐

右補闕陸龜蒙墓在甫里旁有白蓮寺

龜蒙中和初卒給事顏蕘

志墓

河南法曹叅軍張從師墓在虎邱山之西原

張說撰墓志云

冲和純粹辨博闕達卓犖好古儻蕩逸羣

塚墓



真孃墓在虎邱路傍圖經云在雲巖寺西南山下李紳

詩序真娘吳之姣人歌舞有名者死葬武邱寺前吳中少年從其志也墓多花草以蔽其上

幽獨君墓在虎邱山北大歷十三年有鬼題二詩隱

於石壁之上載藝文觀察使李道昌異其事遂具奏

聞勅令致祭道昌祭文曰嗚呼萬古邱陵化無壽

出君是何人能閑詩筆何代而亡誰

人子姪會作何官是誰仙室寂寞夜臺悲呼白日

不向紙上石中隱出桃源三月綠草垂楊黃鶯百

轉猿聲斷腸不題姓字寧辨賢良嗚呼痛哉歎息

先賢空傳經史終無再還青松嶺上巖我碧山大

唐政集已記詩言痛復痛兮何處賓悲復悲兮萬

古墳能作詩兮感天地聲哀怨兮淚沾巾感吾皇

兮列清酌願當後數日石上復隱出詩一首幽明

生兮事明君

路平昔忝工文欲知今寺之北有二墳甚高大荆

潛寂處山北兩孤墳

榛叢蔚究莫知為何人所葬云

宋

廸功郎金章墓在搖城村寶慶元年築石鄧山今予

孫皆祔葬

處士章康墓在武邱鄉菜字圩

運幹湯輝墓在虎邱西謝巷

太守周和墓在婁門外官瀆橋之東北俗稱為周和

山互見

山阜

元和縣志

卷十九 塚墓

五



京西提刑使袁珣墓在封門外蛟龍浦之赭墩曾孫  
忠愍公樞祔

學正顧襄墓在虎邱山下

黃居簡墓在虎邱居簡字元易建安人工詩嘉興中  
卒通判翁逢龍葬之

呂浩叟墓在虎邱山

元

楊椿墓在虎邱山西華里

靜春先生袁易墓在蛟龍浦之赭墩

黃潘志

莫月鼎墓在陳公鄉

七姬墓在郡城東北隅潘氏後圃

張羽作權厝志宋克書盧熊篆額

明

兗州知府盧熊墓在武邱鄉

兵部侍郎李蕢墓在陳公鄉

博士周興墓在張林西山

贈兵部郎中趙華一墓在雲龍西莊字圩子鄱陽知

縣文祔

有自撰生壙志

縣丞劉幹墓在虎邱山塘普福寺東

公懷慶人永樂中爲長洲丞多



善政士民懷之衣  
冠葬焉稱劉公墩

贈禮部侍郎謚文恭劉鉉墓在虎邱南袁公巷

樂會縣令周泰墓在武邱鄉半塘之原墓本宋開禧  
間周氏祖塋

至泰復加葺治後卒於官返柩葬此樂會  
民思之奉衣冠立塚以祀吳寬撰墓表

贈虎賁右衛經歷仰仁澤墓在葑門外陳公鄉章墓

涇 楊士奇  
撰墓表 子大理寺右丞瞻祔 張鏞撰誌銘  
徐理撰記

山東提學副使沈鍾墓在甫里皇字圩工部主政沈

鎧墓在張林官字圩

翰林院待詔文徵明墓在武邱鄉花涇橋之原嶺南  
黃佐

撰  
志

處士邢量墓在葑門外北原糜字圩有自撰  
生壙志

文莊先生顧麒墓在葑門外匠門塘受字圩楊果撰  
誌銘

樂亭知縣蔣廷貴墓在依仁鄉之王巷李東陽撰志  
吳寬撰墓表

贈左副都御史陳孟善墓在大姚鄉大覺寺西南吳寬

撰  
誌

贈都御史徐孝質墓在瓜涇港孝質山東巡撫源之

祖性至孝有隱德卜兆時相傳有異人指授今土

人稱大墳頭云



八和縣志 卷十一  
贈禮部尚書楊瓊墓在婁門外官瀆勝王浜

五嶽山人黃省曾墓在匠門華家橋北干將墓西

處士邢參墓在虎邱山之西麓

姚安郡守施悌墓在尹山 都穆撰誌銘

太子太保袁安節公洪愈墓在葑門外東吳鄉蛟龍

浦之赭墩賜葬 徐沆撰誌 子順天府治中一鶚祔

贈布政司叅議金樾墓在甫里吳宮鄉 袁洪愈撰誌銘

文學黃姬水墓在匠門塘孫文煥祔

太傅王文肅公錫爵墓在閶門外來鳳橋西賜葬

河間府同知陳光祖墓在虎邱後孫鄉貢進士宗之

祔

詹事府詹事姚希孟墓在婁門外下雉瀆西金涇堰

北

端孝先生楊大滌墓在虎邱

叅議蔣夢龍墓在甫里吳巷

嘉定伯周奎祖墓在匠門塘東北奎明愍帝烈皇后

父崇禎初年奉旨脩葺祖塋建坊樹碑

五人之墓在虎邱山塘 五人者顏佩韋楊念如馬杰沈揚周文元也天啟間逆闖

塚墓



魏忠賢矯旨逮吏部尚書順昌五人公憤倡眾擊緹騎至死因被戮士民哀之歛葬白堤之東吳太僕默題曰五人之墓楊解元廷樞表為義風千古張太史溥作五人墓碑記

葛賢墓在虎邱山塘

賢原名成萬歷辛丑內監孫隆私設稅務市井咸怨成倡眾擊

所委官焚其家私稅由是止人呼為葛將軍繫獄十餘年遇赦得釋高顏佩韋等五人之義廬於墓側為灑掃居守卒遂葬此文相國震孟題其墓曰有吳葛賢之墓

太僕卿吳默墓在顧榮墓旁

烈婦楊氏墓在虎邱山郡厲壇之北

禮部尚書王鐸撰碑見烈女傳

長洲教諭劉永錫墓在虎邱山塘

巡按御史宋學朱墓在葑門外黃石橋東花柳村

忠文先生楊廷樞墓在虎邱十房庄

潛忠先生許琰墓在石牛頭列字圩

贈禮部侍郎韓宗道墓在上十七都三箇瓢字圩

彭學一墓在二十三都十一箇習義鄉上字圩官廩

國朝

大學士宋文恪公德宜墓在沙河北蕭涇橋東

賜葬

烈婦顧氏墓在虎邱山塘張公祠東

婦為吳縣下堡嚴燦妻燦為士

豪金華陷獄當死婦茶苦萬狀冀白夫冤順治八年御史秦世楨按吳婦號泣呼冤自到堂下世楨



雪其冤具題旌表遂葬於此

歸節婦陳氏墓在沙河東誅字圩

節婦長洲歸文達妻二十一寡生子

聖脉僅八月陳孝事舅姑課子成立順治十六年旌表

雙節墓在婁門外習義鄉葬明節婦王氏媳陸氏附

學士孫致

彌拱誌銘

贈內閣學士國學沈世烈墓在竹墩

贈內閣學士文學沈欽圻墓在葑門外姜家村村在

王家田南寶帶橋東北

進士葉子燮誌墓

贈內閣學士

鍾彥祔

廬陵知縣陸在新墓在婁門塘習義鄉北茗字圩

侍講

彭定求

撰誌銘

文學顧埴墓在尹山鄉師姑圩

編修汪琬撰誌銘

子太學希

喆進士三典孫文學求懿祔

黃孝子農墓在葑門外陳公鄉糜字圩

贈翰林院修撰徐允武墓在尹山南樊莊字圩

太史張大

受撰誌銘子進士模祔

正孝先生楊无咎墓在婁門外壩基橋內做籃浜

翰林院庶吉士顧嗣立墓在葑門外黃石橋



翰林院庶吉士宋照墓在虎邱後十房庄崑字圩

文南岳墓在廿三都六畝殊字圩李王廟子世光祔

孝子文齡墓在南岳墓西北

編修楊繩武撰誌銘

朱元卿墓在葑門蘓臺鄉

顧文學墓在上廿五都二畝飛字圩呂巷村

褚篆誌墓

節婦徐國維妻陳氏墓在婁門貴字圩媳金氏祔

孝子徐國播墓在婁門外貴字圩

河南學使莊朝生墓在上廿五都二畝菜字圩龍墩

侍講尤侗撰誌銘

王教諭天錫墓在二十三都一畝睦字圩與配節婦

宋氏合葬

繆洗馬日藻撰誌銘

進士姚馥墓在九都二十九畝石牛頭

張文學萬年墓在二十四都二十畝孔字圩趙巷村

有糧義塚在唯亭東十九都三畝長洲縣監生陳寓

捐葬無主骨殖

元和縣志卷之十九



元和縣志卷二十

科目

成周取士以鄉三物教萬民而賓興之漢代選  
舉有賢良方正茂才孝廉暨博士弟子文學明  
經之目隋唐以後專尚科舉或用詩賦或用對  
策有明專重經義我

朝因之蓋經義之制代六經四子之言闡濂洛關閩  
之旨學者發而爲文由誦習辭章而引之於道  
德仁義匪但對偶聲律而已吳中爲人文淵藪



千百年來人材輩出文章事業震耀前後入國朝舉禮闈第一

廷對第一者指不勝屈稱極盛焉元和為長洲分邑故通籍於既分以後者始得備錄而雍正甲辰以前科目應入長洲志中示不淆也要之人不以科目重而科目則以人重膺選舉者倘其爭自砥礪以蘄無負於三不朽之一云至副榜與選拔恩貢歲貢例得並書志科目

鄉貢士

雍正七年巳酉科南闈中式 解元沈戍開

參本渭

巳酉科順天中式

戴廷綸

雍正十年壬子科南闈中式 解元郭長源

謝于蕃

壬子科順天中式 解元邵大業

沈景蘭

雍正十三年乙卯科南闈中式 解元吳鎮克



莊大中

韓慶曾

乾隆元年丙辰科南闈中式

解元梅理

李炯

乾隆三年戊午科南闈中式

解元陶紹景

張昌蕃

周鶴

沈英

戊午科順天中式

宋宗元

乾隆六年辛酉科南闈申式

解元龔朝聘

沈道然

辛酉科順天中式

宋巨源

乾隆九年甲子科南闈中式

解元薛觀光

夏良士

張國寧

金捷

甲子科順天中式

解元馮秉忠

顧元揆

方懋祿

乾隆十二年丁卯科南闈中式

解元徐步蟾

陳景韓

陳奎耀

彭紹謙

乾隆十五年庚午科南闈中式

解元梅戲



梅 戡 張 煥

庚午科順天中式 解元馬國杲

顧德懋 申贊皇

乾隆十七年壬申恩科南闈中式 解元仲鶴慶

沈光裕 郭 鏞

壬申恩科順天中式

施文燾 陸宇豐

乾隆十八年癸酉科南闈中式 解元胡 溶

尤世宜 周 浩 顧天錫

癸酉科順天中式 解元余繼紳

邱廷瀾 江二儀

乾隆二十一年丙子科順天中式 解元李 駿

唐 燦 張葉鈺 陳國枋

乾隆二十四年巳卯科南闈中式 解元孫全敞

吳鼎科 鄧安道 張定厚 孫麟徵

乾隆二十五年庚辰恩科南闈中式 解元仲嘉德

顧聲雷 陳初哲 李 堡 沈士駿

進士



雍正十一年癸丑科陳倓榜

沈景蘭

乾隆五年丁巳科于敏中榜

莊大中

乾隆七年己未科莊有恭榜

張昌蕃

乾隆十年乙丑科錢維城榜

宋巨源

張國寧

乾隆十三年戊辰科梁國治榜

方懋祿

乾隆十六年辛未科吳鴻榜

顧德懋

乾隆十七年壬申恩科秦大士榜

李焜

乾隆二十二年丁丑科蔡以臺榜

印廷瀾

夏良士

乾隆二十六年辛巳恩科王杰榜

沈士駿

郭鏞



貢生

恩拔歲副並錄以  
年之先後為叙

雍正六年拔貢

費師益

六年歲貢

汪 琇

雍正十年壬子科南闈副榜

彭廷掄

雍正十年壬子科順天副榜

顧祖望

雍正十二年歲貢

吳 瑜

雍正十三年乙卯科順天副榜

陸廷鉞

乾隆元年恩貢

徐 鑰

乾隆三年歲貢

周宗濂

乾隆三年戊午科南闈副榜



陶善圻

盛德

乾隆六年拔貢

方懋祿

乾隆七年歲貢

龐蔣經

乾隆十一年歲貢

郁大齡

乾隆十三年歲貢

蘓綍

乾隆十四年恩貢

湯世地

乾隆十五年歲貢

徐稜

乾隆十五年庚午科南闈副榜

沈士敏

乾隆十六年恩貢

呂綸

乾隆十七年壬申恩科南闈副榜



顧學潮

乾隆十八年癸酉科南闈副榜

胡元會

乾隆十九年歲貢

黃球

乾隆二十一年丙子科順天副榜

鈕翰城

乾隆二十三年歲貢

朱光斗

乾隆二十四年己卯科順天副榜

姜晟

元和縣志卷之二十







